

TIMOTE TIKPIALI

¹ Pɔli, Jesu kiristi tondo nani lan ɳua U Tienu ti candaano yeni Kiristi Jesu, ti dandanli bali maama yeni, ² N dangi ya tili ne, Timote, n bijua ti dudugdi yeni i mɔni nni po: U Tienu, ti Báa yeni Jesu ti Diedo ɳanbli yeni mi niñingbadcianma, yeni mi yanduanma ñ ya ye yeni a. ³ Nani min den waani a ke ɳan tieni maama ki fidi ki gedi Maseduani yeni i, ɳan ya ye Efesi dogu nni ki fidi ki waani bi niba ban ba tɔgni ya sanu, ki da lebdi yenŋɔdma bi tunda nni. ⁴ Ban da cengi bi tunda nni a togda yeni ya nifiima n ki pia gbenma, ki nan fiindi mi ñɔniamma, kaa pugdi bápu ke li ɳua ti dudgdi U Tienu tuona po. ⁵ Ama li bali maama ñ ɳua yaali n tie mi buama yaama ñani li papienli nni, li yantianjanli nni yeni ya dudugdi n tiegi i mɔmɔni sanu nni. ⁶ Ya niba n lebdi ki taa santianu, tudi ki kua ya maacianma n ki pia mayuli nni. ⁷ Bi bua ban tundi bi niba li bali maama, ama ki nan ki gbia ban maadi yaali yeni ban wangi yaali niima nni. ⁸ Ama, ti bani ke li bali maama ɳani, li ya tie ke nilo taa ma ki sɔni ya tuona n tuagi ti yikodi sanu ⁹ Ti nan bani ke li bali maama ki bili yaaba n tiegi po ka, ama yaaba n ki cɔlni yiko yeni yaaba n fiindi mi yenyiema po i, a yenyieda yeni ti tuonbiadidanba, yaaba n ki ɳua U Tienu yeni bi yanbɔndanba po. Mi bili yaaba n biani bi danba miali yeni a nikpala po i. ¹⁰ yaab n kuani bi yuli mi conconma nni,

TIMOTE TIKPIALI Diangbenga 1:11 ii TIMOTE TIKPIALI Diangbenga 1:20

yaaba n taa nintuali, ki dua yaaba, a nisuura yeni a sanjiala, bi tuofaadanba, a tingbangbaaba yeni yaali n ki tuagi ti dudugdi sanu kuli po,¹¹ Lan ya bangma ɣua O cabñandaano U Tienu n̄ piano nni ya yudandi laabaalñamo i.¹² N maali ke ti Diedo Jesu Kiristi yua n pugni nni u paalu, kelima o diidi ki sua ke n duu o po i ke o puogi nni lan ya tuonli,¹³ Mini yua n den fanbi U Tienu yikodi, ki go tie jadi daano, n baa U Tienu ɣanbli kelima n den ki bani ki tie lankuli.¹⁴ Ama Ti Diedo ɣanbli tɔgn̄i min pia ya dudugdi yeni ya buama Jesu Kiristi nni, ki paadi likuli.¹⁵ Ya maama ne mɔni boncianla, ki go pia ti dudugdi yuakuli po, ke Jesu Kiristi cua ki tinga po ki bua faabi ti tuonbiadi danba i. Mini n biidi bi siiga nni ki cie.¹⁶ Ama lanyapo i, ke n baa mi niñingbadma ke li wang ke mini n cindi ki la Jesu Kiristi n̄ pia ya juunli. O tieni lani, ke lan tua nannanli yaaba n duu o po hali ya miali n ki pia gbenma.¹⁷ Mɔlane, ti kpiagdi yeni ti yudandi tie hali ya yognu badciamo, yua ya miali n ki pia gbenma, ban ki nua yua, Tienyendu baba yaadi, li bina yeni li bina, Ami!¹⁸ Timote, n biga, min teni a ya maabilkaama ne, ke mi ɣua ban den pua a po ya sawali yeni, li tie ke ɣan kɔni li kɔnkɔnmɔnli;¹⁹ ɣan ya pia ti dudugdi yeni li yantianjanli. Bi tianba buoni li, ke li tulni ba, ke bi fagdi yeni ti dudugdi.²⁰ Himene yeni Alekisandiri ye bi siiga nni, N sagni bani yeni rutaani, ke ban bangi ban ba tɔgn̄i ya sanu ki ji da fanbi U Tienu yikodi.

TIMOTE TIKPIALI Diangbenga 2:1 iii TIMOTE TIKPIALI Diangbenga 2:14

Diangbenga 2

¹ Lanwani ii, n dá ba paani a pali, ke ḥjan ya tie i jaandi, ki miadi u sanu, ki miadi sugli, ki tiendi uU Tienu balga bi niba kuli po, ² bi badcianba yeni yaaba n pia yikodi kuli po, lan todii tin ya ye ya yema n ḥua mi yanduanma, li yanjaali, U Tienu sanjodma yeni li seli nni. ³ Lani n ḥjan ki dagdi U Tienu ti candaano po. ⁴ Li tie o po buamónma, ke bikuli n̄ baa mi faabma, ki bandi i mōmōni cain. ⁵ Kelima, tienyendu baba n ye, yeni candanyendo baba, bi niba yeni U ienu siiga nni, Jesu yua n tie Kiristi yeni nilo. ⁶ Wani n yidi o yuli salga bi niba kuli po. Lani n wangí wan tieni ya kasiedi lan buali ya yognu. ⁷ Lanyapo i, ke bi bili nni ke n tie tundka yini tondo. N maadi i mōni i, n ki pua tuofaama ka. N tuonli n tie min tundi bi nilanba ti dudugdi yeni i mōmōni sanu nni. ⁸ N bua bi niba n̄ ya jaani ban ye naani kuli, ki yi doni bi nui ti ḥandi nni, ke pabienli ki ye ki buali tama. ⁹ N go bua bi puoba n̄ ya bobbi bi tialakaadi lan buali maama, ke li ḥua li fangli yeni bi gbannandi cōlungu sanu, ban da la, ki pili bii ki pangí bi udi yeni wula bii anjilfa, ki da yie ya tialakaadi dunga n paa. ¹⁰ Ama, N bua ke ban ya ḥanbidi bi yula lan buali maama nani ya puoba n wangí ti dudugdi bi tuonjama po yeni. ¹¹ O pua bi baa bangi bonli kuli li ḥminjminli nni i, yeni u cōlungu sanu nni, ¹² Li ki cabi ke o pua n̄ tundi o ja lanyaaka wan ya pia ti yikodi o ja po, ama o baa ye li ḥminjminli nni i. ¹³ Kelima, bi cindi ki tagi Adama i, ki tuani Efa. ¹⁴ Bi nan ki bōndi ki tulni Adama ka, ama bi bōndi ki tulni

TIMOTE TIKPIALI Diangbenga 2:15 iv TIMOTE TIKPIALI Diangbenga 3:13

o pua i, ke o kua mi tudma nni, ki miidi li kuali.
¹⁵ Yeni lankuli, o ba baa mi faabma ti madi po, li
ya tie ke ke o ɿodi li miinli, ti dudugdi, mi buama
yeni ti ɿandi sanu.

Diangbenga 3

¹ Ya maama ne tiegi li ya tie ke nilo bua tua
gobdika; o lugdi ya tuonli n mɔni boncianla. ² Li
buali ke gobdika kan ya pia jalgi bákuli, ki ya
pia oyendo baba, ke o yama dua, yua n pia li
miinli, yua cegni o yema, ki banili cangaali, ki ba
fidi ki tundi niba ³ O kan kuani o yuli li daañuli
nni, yua ki pia jadi, ama yua gaani sugli, ki pia li
juunli, kaa kpaani o yuli po baali. ⁴ O baa bani o
diegu kubma, ke o bila cengi o maama, ki colni.
⁵ Kelima nilo ya ki bani o diegu kubma, o ba tieni
ledi i ku kubi U Tienu nitaanli? ⁶ Li ki buali ke
wan ya tie kɔnpanga, o japaaciandi n̄ da ti cedi
sutaani n̄ buu ki cuo o. ⁷ Li go buali ke wan
la kasiedi kaantianu, lan todi o wan da baa mi
tudma bii sutaani diagu nni. ⁸ Bi todkaaba mo
baa tie mɔmɔnsaala i, ki fagi yeni palalie danba,
li daañucianli yeni mi ɿalmanbuama. ⁹ Bi baa
kubi bi dudugdi n̄ dɔgdi bi po ya mɔmɔni yeni
li yantianjanli. ¹⁰ Bi dá ba cindi ki biigi ba, ki
diidi yo, bi ya ki pia tagli bákuli, ban fidi ki cili
bi tuonli. ¹¹ Bi puoba mo baa tie yaaba n̄ maadi
i mɔni, kaa jondi nilo po, ki pia li yumiinli, ki tie
payenli buama danba lan tieni maama kuli. ¹² Bi
todkaaba baa tie poyendanba, yaaba n̄ ɿanbi
ki tundi bi bila, ki kubi bi dansanu bonjanla.
¹³ Kelima, yaaba n̄ tuuni bi tuona bonjanla ba

TIMOTE TIKPIALI Diangbenga 3:14 v TIMOTE TIKPIALI Diangbenga 4:8

baa li seli yeni li dandanli kelima bi dudugdi Jesu Kiristi nni. ¹⁴ N diani ki maadi a ya bona ne, ki daani ke min cua a kani yognubá. ¹⁵ Ama, ki fidi lan todi a, li ya tie ke mii cua tonma, ɣan bandi a yema U Tienu diegu nni, yaagu n tie U Tienu yua tundi ki pia miali nitaanli, i mɔmɔni jumu yeni yi daasiedu. ¹⁶ Lipo n cedi ke tikuli taani ki tuo ke: “Mi yenjɔdma mɔmɔni tie yaalidgu bonli i” O dɔgdi yeni ti gbannandi, ke foŋanma saa i mɔni o po, ke malekinba la o, ke o wangí o laabaaliŋamo bi niba siiga, ke bi dugi o po ɣanduna nni, ke bi duoni o ti yudandi nni”.

Diangbenga 4

¹ Ama mi fuoma kadi ki maadi ke li kan waagi, nitianba ba ɣa ti dudugdi, ki ɣɔdi mi tulinma yeni i buli tundma. ² Li ba tua yeni kelima bi yantiali ɣɔdi mi tuofaama yeni mi muyima. ³ Bi ba beli li pokuandi yeni ti jakundi, ki beli U Tienu n̄ tagi ya bondikaali, ke yaaba n dugi o po, ki go bani i mɔni n̄ ya taagi ki di ki tiendi U Tienu balga yeni dima ⁴ Kelima U Tienu n̄ tagi yaali kuli ɣani, ke tin ba taa yaali ki tieni U Tienu balga kuli ki pia luma. ⁵ Kelima U Tienu maama yeni mi yenjɔdma ɣanbi likuli. ⁶ A ya waani lanya bona a kpiiba, a ba tua Jesu Kiristi tuonsɔnmɔno yua ke o dini o ti dudugdi lanbona yeni ya tundigama ke a ga. ⁷ Ama, ɣan ñɔli a pociana n̄ faadi ya concontelmi, ki nan faadi li papienli sanu ⁸ Kelima, u gbannansaagu tuona n̄ pugdi yaali ki pia fuoma, ama mi yenjɔdma sanu mɔni bonciala li kouli po, li cɔlini mɔlane

TIMOTE TIKPIALI Diangbenga 4:9 vi TIMOTE TIKPIALI Diangbenga 5:5

yema yeni ya yema n ba yuandi ki cua nɔnianu.
⁹ Ya maama ne ki pia tama ki nan selindi yua n ga ma. ¹⁰ Kelima lanyapo i, ke ti tie ania, ki tuuni boncianla. kelima ti dugi U Tienu yua n fo, ki go tie bi niba kuli candaano, yaaba n duu o po yaali n cie. ¹¹ Kadi ki maadi li bona ki go tundi a. ¹² Obakuli n̄ da fali a sɔpaanma, ama ɳan ya tie yaaba n wangi ti dudugdi bi maama nni. ¹³ Ya fiini mi cogma nni, mi tundma nni, ki ya paandi bi niba pala hali mi ba cua. ¹⁴ Da yuandi ya yenpaabu n ye a niinni, ban den pua sawali ke yaaba n ɳua U Tienu nikpelba maani a po bi nui, ke a baa yaabu. ¹⁵ ɳan ya fiini li bona nni bonjanla, ɳan taa a yuli kuli ki cabi li bona, yukuli n̄ bandi ke a tuona cuoni bonjanla, ki caa liiga. ¹⁶ ɳan guudi a yuli, ki diidi a tundma nni bonjanla, ɳan ya tie ania li bona nni, kelima a ya tie yeni, a ba fie a yuli ki go fie yaaba n cengi a bangima.

Diangbenga 5

¹ Da nanbi k manboli mani o jakpelo, ama ya pa andi u pali, nani biba yeni; ya paandi u nupaɔngu pala nani i nataani yeni. ² A puociana nani binaa nba yen, b puobidi nani t ninsiaba yeni, l papielem ³ Seln a pakuana yaab n ɳanbi k tie pakuana. ⁴ L ya tie k l pakuali pia t bidi lan yaka a yabila ban ñigni k ya pia t ɳandi b diogun, k gɔ ya tiendi b danba ban tund b yaali, k l ma l ɳani u tienu po ⁵ Yua tie pakual yeni mɔni, k tie yuan cuo li ba k ta u dindanlik cabi u Tienu k gɔ jaandi, k miadi u tiensugli yieni

TIMOTE TIKPIALI Diangbenga 5:6 vii TIMOTE TIKPIALI Diangbenga 5:18

yen ñiøgu. ⁶ Ama ya pakualo n kpaani dulña ne yenyienu kpe'u ba l ya tie ku suo. ⁷ Tund'ba mani l bona k ban ji da pia jalgi ba. ⁸ L ya tie k yua k nanbi k ñanbi k ñmagdi o nibi yaabi ñanbi k tie u diogun ya yaabi, biani u mɔmɔnigaama, yu k bani u Tienu yaali su yen'o. ⁹ K fidj ban yini pua k u tie pakualo wan mɔndik ya pia bina piiluobo k ya tie yua n den kunni ja yendo baba. ¹⁰ K yua kul ya bani k u tuona den ñani k den wlubi tu bidi, k den gaani b canba, k den ñuudi b nunjanba taana, k den todi b cicagdanba, k den tiendi tuoñan buoli kul ¹¹ Ama ñan yie t pakuabidi, k l ma ya yognu k u ja nianga paadi yenba yen Jesu b ji yi kpaani ban guani k kunni b jabi ¹² K ji k cɔlni b cincin-puoni yaali k b den puoni Jesu yeni ¹³ K baa ji pia tuonli ba yeni, b ji waa yiegi a ñiana ni. L go k tie k b waa fanm - fanma mɔ ka b waa yeni t mayiyuodi yen i tuali, k maadi ya maama k laba. ¹⁴ L po n cedi k n bua ya pakua bidi n da k kunni b jaba, k ban guani k kunnib jabak mali t bidi, k ñanbi k kub'ba a dioguni, k da ña t ninnanda ya sugdi'ti. ¹⁵ k l ma pakɔtianba ña a sanu yo k ji ñodi staanni ¹⁶ Kreso-yua diogun ya pia a pakuana wani n ji baa tod' ba k lan fidinyaali lan ji da tie tugkpiegli u jaandiogu po, k wani mɔndi fid k todi yaab nanbi k tie pakuana. ¹⁷ Ya jaandiog liig yaaba nanbi k suani b tuonli k l ñani b dagdi yeni ban ñanbi k la b tuonl sel bonñanli. l nam ñanbi k nua yaab n tundib niba u Tienu maama ¹⁸ kl ma u Tienu Kadaøgu yedi: ya nua taand' a ka pua i dii, a ji kan pibin u ñɔbu. k l tuonsɔnli dagidi

yeni wan ga u tuonsɔn- ɳmapaɔgu. ¹⁹ Nul ya ba
yeni u jaandiogliig yua maama, ɳan da gaa, l ya
k tie b lie, b ta yaa ka ²⁰ Yaab tundi k biidi nan
fu yeb'ba b lieb kul nungn k yaab sieni n ji ya
jie. ²¹ n maad'a hal u tienu ne po, hal Yesu kreso
po, yeni u tienu malek po, ya cɔnlni min yed'a
uaal ne kul, k ba lugdm ba n da ye i siign. ²² Da
yi peli k maandi a nugi nul po, k go da kuandi a
nugu nutano biidn. Fin mɔno, Cuo a. ba k ya ye
t ɳandin ²³ Da ñu miñima baba ka. A ya yi tieni
nan nu o damɔngu mɔ waama k lan ya ɳanbdi
a tugun k dugni a tuyianu yen po. ²⁴ B tianb
ya biidi k wuo b wlaama ba k b da buni b buudi
mɔno. Ama b tianba yaali yi waagi yo ban t fioli
bandi. ²⁵ Nani a tuon ɳama n k kluo yeni l go tie
yeni k t tuon biidi mɔ kan fidi k wuo ni.

Diangbenga 6

¹ Yaaba n ye ti yonbdi cacagma nni n̄ ya
nua bi yonbdanba nani yaaba n dagdi yeni ti
kpiagdi, ke ban da ti fanbi U Tienu yeli yeni o
bangima. ² Yaaba ya canbaanaa n ɳua U Tienu,
n̄ da fali ba, ki ya tama ke bi tie bi kpiiba i;
ama ban ɳanbi ki ya tuuni bi po kelima bi tie
dugikaaba yeni buakaaba yaaba n gbaa ke ban
tieni ba yaali n ɳani. ɳan ya wandi lanya bona,
ki go cedi ke bi cɔlni li bona. ³ Nilo ya pia
bangtianma ke maa taa yeni a yaama, bii kaa
tuo U Tienu bangima yaama n ɳua ti Diedo Jesu
Kiristi ɳɔmaama yeni mi yennɔdma bangima,
⁴ O tie yuondaano, ki naa bani libakuli. Yaali n
pugdi, o pia ku ɳɔniagu yeni mi niama yianu,

TIMOTE TIKPIALI Diangbenga 6:5 ix TIMOTE TIKPIALI Diangbenga 6:16

uni n cuoni yeni ki nanga, a kɔnkɔna, ti sugdi, ku tuotabgu, ⁵ Nufanu nunfandanba ñɔniamma yaama n ki pia gbenma. Bi tudi i mɔmɔni sanu, ki maali ke mi yenŋɔdma tie ŋalmani tuonli i. ⁶ Lani n yeni mi yenŋɔdma yeni li pamanli n tie ya ŋalmani n yabi ñiali. ⁷ Kelima ti ki cua yeni libakuli ŋanduna nni ne. Ti go kan gedi yeni libakuli mo. ⁸ Lanwani ii, ti ya pia tin ba di yaali yeni tin ba ŋagni ti gbanu yeni yaali, li dagdi ti. ⁹ Ama, yaaba n kpaani ke ban tua ŋalmandanba, bani n baali mi biigma nni, ku diagu nni, yeni ya ŋalmanbuama n ki pia mayuli, ki tulni ba, ki kuandi bi niba u ŋmanbiidu yeni u dogu biidma nni. ¹⁰ Kelima, mi ligibuama n tie ti tuonbiadi kuli jiinjali; nitianba ba i ligi, ki ji bodi ki fagdi yeni U Tienu sanu, ki kuani bi yuli ti yanyagdi nni. ¹¹ Ama fini, U nilo, ŋan sani ki ŋa lanya bona ki na lingi mi teginma, mi yennɔdma, ti dudugdi sanu, mi buama, li juunli, ti nimɔndi. ¹² ŋan kɔni ti dudugdi kɔkɔnmɔnli, ŋan cuo ban yini a ya miali n ki pia gbenma ya po, yaali ya po ke a tieni kasiedimɔno a dudugdi po bi nib boncianli nintuali. ¹³ N miadi a U Tienu yua n tieni bonlikuli li miali nintuali yeni Jesu Kiristi yua waani kasiedmɔno o dudugdi po Pɔnsi Pilati kani, ¹⁴ ke ŋan kubi U Tienu ñɔmaama bonjanla ki ŋɔdi ya yema n ki pia taglibakuli, haliyeni ti Diedo Jesu Kiristi n ba dɔgdi. ¹⁵ Yua n ba kadi ki waani ti kpiagdi yudaano, u paaciamu daano, bi badcianba ya badciamo, bi diediba ya diedo, yua n kubi ya miali n ki pia gbenma, li yogu ya pundi, ¹⁶ Yua n ye ban kan nandi ya yenma kani, yua ke

TIMOTE TIKPIALI Diangbenga 6:17 x TIMOTE TIKPIALI Diangbenga 6:21

niloba kuli ki kpeli ki la, ki go kan la halibada,
yua n yeni ti yudandi yeni u paaciamu. Ami!
¹⁷ ñjan tundi ñanduna ne ñalmandanba ke ban
da tie japaadanba, ki go da kuani bi dandanli ya
piama n ki pia dugdi po, ama, ban ya daani U
Tienu nni, wani yua n puuni ya piامنma n pia
ti po li pamanli todma. ¹⁸ ñjan tundi ba, ban ya
tie yaali n ñani, bi piama n ya yabi a tuadñjama,
ti bulcindi yeni ya nuu n tiani yama nni. ¹⁹ Bi ya
tie yeni, bi ba taani ki dogni ya piama ya fiagli n
paa ki ñani, ki fidi ki baa ya miامنli. ²⁰ Timote,
ñjan ñanbi ki guudi ban teni a yaali ki nan ña ya
maacianma n ki tie maامنma, kaa pia mayuli,
yeni u nufanu bancianma ñoniagu ²¹ yaagu ke
yaaba n tudi ki fagdi yeni ti dudugdi taa ke gu
tua bi tuonli. U Tienu ñanbli n ya ye yeni a.

**Bible Gourmantche
The New Testament in the Gourmantche language of
Togo
Le Nouveau Testament en langue Gourmantche du
Togo**

copyright © 2020 Door 43 world-wide mission community

Language: Gourmantche (Gourmanchéma)

Dialect: Gormantche

Translation by: Door 43 world-wide mission community

Contributor: Andrew Rice, Gourmantche, Gux, Parfait, Parfait-Ayanou

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

 You include the above copyright and source information.

 If you make any changes to the text, you must indicate that you did so in a way that makes it clear that the original licensor is not necessarily endorsing your changes.

 If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-08-13

PDF generated using Haiola and XeLaTeX on 11 Nov 2022 from source files dated 14 Aug 2020

1168f00b-eabf-5a7b-9fed-4d2120867558